

PABRON DM SYRUP

Dextromethorphan HBr 15.0mg/5ml and Bromhexine HCl 8.0mg/5ml

Apakah yang ada pada risalah ini

1. Apakah kegunaan PABRON DM SYRUP
2. Bagaimana PABRON DM SYRUP berfungsi
3. Sebelum mengambil PABRON DM SYRUP
4. Cara menggunakan PABRON DM SYRUP
5. Semasa menggunakan PABRON DM SYRUP
6. Kesan-kesan sampingan
7. Cara penyimpanan dan pelupusan PABRON DM SYRUP
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Risalah ini menjawab beberapa soalan lazim tentang PABRON DM SYRUP. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda mengambil PABRON DM SYRUP berbanding manfaat yang mereka jangka untuk anda.

Jika anda mempunyai sebarang kemusykilan tentang pengambilan ubat ini, tanya ahli farmasi atau doktor anda.

Simpan risalah ini bersama ubat.

Anda mungkin perlu membacanya lagi.

Apakah kegunaan PABRON DM SYRUP

PABRON DM SYRUP digunakan untuk melegakan batuk dan mengurangkan kelikatan kahak dalam jangka masa pendek.

Bagaimana PABRON DM SYRUP berfungsi

PABRON DM SYRUP mengandungi *Bromhexine HCl* dan *Dextromethorphan* sebagai bahan aktif.

Bromhexine HCl tergolong dalam kumpulan ubat-ubatan yang dikenali sebagai “*mucolytic*” dan berfungsi untuk mengurangkan kelikatan kahak anda agar lebih mudah untuk dibuang.

Dextromethorphan tergolong dalam kumpulan ubat-ubatan yang dikenali sebagai ‘*antitussive (cough suppressant)*’ dan berfungsi untuk mengurangkan batuk dengan bertindak balas melalui bahagian yang mengawal batuk dalam otak.

Tanya ahli farmasi atau doktor anda sekiranya anda mempunyai sebarang pertanyaan tentang ubat ini.

Sebelum mengambil PABRON DM SYRUP

-Bila tidak boleh mengambil
Pesakit yang alah kepada *bromhexine* dan *dextromethorphan* atau bahan-bahan lain di dalam formula ini. Tidak sesuai untuk ‘*phenylketonurics*’ (satu penyakit genetik di mana individu tidak boleh menguraikan asid amino dengan baik di dalam badan). Tidak boleh digunakan oleh kanak-kanak kurang daripada 2 tahun.

-Sebelum mula mengambil
Beritahu ahli farmasi atau doktor anda jika anda mempunyai ulser peptik (luka atau hakisan tisu yang terbentuk pada lapisan di dalam perut), asma (penyakit lelah), bronkitis kronik (radang paru-paru), ‘*emphysema*’ (sesak nafas), kencing manis, kemerosotan fungsi hati dan kesukaran bernafas.

Maklumkan kepada doktor anda jika anda hamil atau sedang menyusukan bayi.

-Jika mengambil ubat-ubat lain
Beritahu doktor jika anda menggunakan sebarang ubat lain, termasuk ubat yang dibeli tanpa preskripsi dari farmasi, pasaraya, atau kedai makanan kesihatan.

Jika anda mengambil “*drug-metabolizing enzyme inhibitor*” seperti *amiodarone* dan *quinidine* bersama PABRON DM SYRUP, kadang-kadang ia boleh menyebabkan peningkatan tekanan darah.

Cara menggunakan PABRON DM SYRUP

-Berapa banyak harus digunakan Orang dewasa dan kanak-kanak berusia 12 tahun ke atas:

Ambil 5 ml selepas makan, 3-4 kali sehari atau setiap 6-8 jam.

Amaran (apabila digunakan untuk merawat batuk dan selesema):

1. Tidak boleh digunakan oleh kanak-kanak kurang daripada 2 tahun.
2. Untuk kanak-kanak 2 hingga 6 tahun, dapatkan nasihat doktor.

-Bila perlu digunakan
Gunakan ubat selepas makan.

-Berapa lama perlu digunakan
Teruskan mengambil PABRON DM SYRUP selama yang dicadangkan oleh doktor.

-Jika terlupa menggunakan
Ambil dos yang terlepas sebaik sahaja anda mengingatnya.

Jika ia menghampiri waktu untuk dos anda yang berikutnya, langkau dos yang tertinggal dan ambil ubat pada waktu dos yang berikutnya.

Jangan menggandakan pengambilan dos untuk menggantikan dos yang tertinggal.

-Jika mengambil berlebihan (terlebih dos)

Maklumkan doktor atau ahli farmasi anda jika anda terlebih dos. Sila bawa baki ubat sekali.

PABRON DM SYRUP

Dextromethorphan HBr 15.0mg/5ml and Bromhexine HCl 8.0mg/5ml

Antara gejala-gejala terlebih dos adalah kadar denyutan nadi yang laju, darah tinggi, muntah-muntah, 'mydriasis' (anak mata mengembang), 'diaphoresis' (berpeluh berlebihan), 'nystagmus' (pergerakan anak mata yang tidak dapat dikawal), 'euphoria' (perasaan yang sangat teruja), hilang keupayaan untuk mengawal pergerakan dan kerap ketawa kecil. Selain itu, gejala lain juga termasuk berhalusinasi, rasa gementar dan mengantuk.

Semasa menggunakan PABRON DM SYRUP

-Perkara yang perlu dilakukan

Mengambil ubat seperti yang doktor anda beritahu.

Maklumkan doktor, doktor gigi dan ahli farmasi anda yang anda sedang mengambil PABRON DM SYRUP.

Semasa rawatan, jangan mengambil apa-apa ubat-ubatan anti-batuk.

-Perkara yang tidak boleh dilakukan

Jangan minum alkohol semasa mengambil PABRON DM SYRUP. Kesan alkohol mungkin meningkat.

Jangan mengambil lebih daripada dos yang disyorkan kecuali doktor anda memberitahu anda.

Jangan berikan PABRON DM SYRUP kepada orang lain, walaupun mereka mempunyai simptom yang sama atau keadaan seperti anda.

-Perkara yang perlu diberi perhatian

Ubat ini boleh menyebabkan rasa mengantuk dan menjejaskan prestasi dalam ujian kewaspadaan auditori pada sesetengah orang. Jika ini berlaku, jangan memandu atau mengendalikan jentera.

Jangan ambil ubat ini untuk batuk yang berterusan atau kronik.

Kesan-kesan sampingan

Seperti ubat-ubatan lain, PABRON DM SYRUP boleh menyebabkan beberapa kesan sampingan, sesetengah kesan sampingan mungkin serius dan memerlukan perhatian perubatan.

Kesan-kesan sampingan sewaktu rawatan adalah jarang dilaporkan. Berhenti mengambil ubat jika anda mempunyai sakit kepala, pening, berpeluh, ruam kulit, sembelit, ketidakselesaan perut, muntah, loya dan gangguan gastrousus.

Jika anda mengalami mana-mana kesan sampingan ini, walaupun yang tidak dinyatakan di dalam risalah ini, maklumkan doktor atau ahli farmasi anda.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web portal.bpfk.gov.my (Consumers → Reporting).

Cara penyimpanan dan pelupusan PABRON DM SYRUP

-Penyimpanan

Simpan di bawah suhu 30°C. Simpan di tempat kering dan sejuk serta terlindung daripada cahaya. Jauhkan daripada kanak-kanak.

-Pelupusan

Lupuskan ubat selepas tarikh luput. Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

-Rupa dan warna

PABRON DM SYRUP adalah cecair keruh dan likat berwarna kuning dengan bau limau.

Penyediaan ini adalah tanpa alkohol dan tanpa gula.

PABRON DM SYRUP boleh didapati dalam botol 60ml dan 120ml.

-Bahan-bahan kandungan

-Bahan-bahan aktif:

Setiap 5 ml mengandungi 15.0 mg *Dextromethorphan HBr* dan 8.0 mg *Bromhexine HCl*.

-Bahan-bahan tidak aktif:

Sorbitol Solution (70% NC), *Aspartame*, *Trisodium Citrate Dihydrate*, *Disodium edetate dihydrate*, *Peppermint Flavor*, *Citric Acid Monohydrate*, *Glycerin*, *Propylene Glycol*, *Sodium Benzoate*, *Purified Water*, *Acesulfame-K*, *CMC Sodium 7HOF*, *Lemon Flavor*, *Color D&C Yellow No. 10*.

-Nombor MAL:

MAL12090002AC

Pengilang

OLIC (Thailand) Limited
166 Moo 16,
Bangpa-In Industrial Estate,
Udomsorayuth Road,
Bangkrason, Bangpa-in,
Ayutthaya, Province 13160,
Thailand.

Pemegang Pendaftaran Produk:

HOE Pharmaceuticals Sdn. Bhd.
Lot 10, Jalan Sultan Mohd. 6,
Bandar Sultan Suleiman,
42000 Port Klang, Selangor,
MALAYSIA.

Tarikh kemaskini RiMUP

-18/04/2014